


KOMMUNIMUT PILERSAARUMMUT TAPILIUSSAQ 4A6-1, Pinguaraq, Nuuk

Marsi 2016



KOMMUNEQARFIK **SERMERSOOQ**
Sanarfinermut Avatangisnullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik kommunalbestyrelse Pilersaarusiornermut inatsit naapertorlugu (Pilersaarusiorneq aamma nunaminertat atorineqartarnerat pillugit Inatsi-sartut inatsisissaat nr. 17, 17. november 2010-imeersoq) pisussaavoq, kommunimut pilersaarut pisariaqartutigut malinnaatinneqartassaaq. Taamatut malinnaatitsisarnermi pilersaarummut tapiliussamut attuumassutilimmik pilersaarummi allannguuteqartoqartillugu imaluunniit ilanngussisoqartoqartillugu ingerlaavartumik isumagineqartarpoq.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Taamaattorli taakku saniatigut Kommunalbestyrelse pisussaalluni, sukumiisumik aalajangersagartalimmik kommunimut pilersaarummut tapiliussaliussalluni:

- Nuna tamakkerlugu pilersaarusiornepur kommunillu pilersaarusiornepur piviunngortinnissaanut qulakkeerinninnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqarpoq, **nassuiaat** aamma **maleruaqqusanut tunngasut**.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviunngortinnissaanut atatillugu, aalajangersakkat malinneqarnissaannik allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut nunap assingi ilanngussat attuumassuteqartut, aalajangersagartaaniipput.

Tamanut nalunaarut


Kommimut pilersaarummut tapiliusseq inaarutaasumik atuutilersinneqarluni 30.3.2016-imi tamanut nalunaarutigineqarpoq

Pilersaarut sumik takuneqarsinnaava

Pilersaarut Nunatta Atuagaateqarfiani atuarsinnaavat, kommunip nittartagaani aaneqarsinnaavoq www.sermersooq.gl, kommunip innuttaasunik sullissivianut imaluunniit Sanarfinermut Avatangiisinullu Ingerlatsivimmumt Imaneq 20, 3900 Nuuk saaffignillutit pissarsiarinnaavat, oqarasuaat 36 74 31.

IMARISAI

	ILITERSUUT	2
	IMARISAI	3
1.	Nassuiaat	4
	Pilersaarusiciorfik	4
	Siunertaq tunngaviillu	4
	Pissutsit pioreersut	5
	Pilersaarummi pingaarnertaq	7
	Pilersaarutitut allanut tunngasut	
	Inissisimanera	12
	Pilersaarutip inatsisitigut sunniutai	15
2.	Aalajangersakkat	16
	Aalajangersakkat pingaarnertit	16
	Aalajangersakkat sukumiinerusut	20
3.	Akuersinermut uppernarsaat	25
	Ilanngussaq	26-28



Takussutissiaq 1. Nunataq pilersaarusiorfik 4A6.

1. NASSUIAAT

1.1 PILERSAARUSIORFIK

Nunap ilaaniittoq Pinguaq Nuup illoqarfiata ilaani Qinnngutsinni quassummi kangillerpaajulluni inissisimavoq, qaqqarsuup Ukkusissap kitaani.

1.2 SIUNERTAQ TUNNGAVILLU

Nuup illoqarfiata ilaanut atasumik nutaatut, Qinnngutsinni ineriartortsitsinnissaq siunertarineqarluni suli ingerlanneqarpoq. Pilersaarusiorfiusoq, kommunimi pilersaarummi, inissianik assigiinngiaartunik sanaartorfigineqartussatut siunnersuutigineqarpoq, aammalu paaqqinnittarfinnik/ulloq unnuarlu angerlarsimaffinnik pilersitsinissamut periarfissaqarluni.

Pilersaarummut tapiliussami tunngavissat imaapput:

- Inissianik eqimattakkaartunik qummut 3 - inik quleriinnik sanaartornissaq periarfissanngortinneqassaaq, kiisalu illunik immikkuullarissunik 7 - inik quleriinnik inissiartalinik sanaartornissamut periarfissaqassalluni, inissiat katillugit 250 - it missaannik amerlassuseqassallutik.
- Nunap ilaanut naleqqussaalluni sanaartornissaq
- Aqquserngiornissanut, aqqusineeraliornissanut, biilinu inissiisarfissanut, nunaminertanulla ataatsimoorussamik atugassanut, nunaminertanik periarfissiisoqassaaq.
- Pisortat inissialiornissaat qulakkeerneqassaaq.



Takussutissiaq 2. immikkoortortaanik takusaqalaarneq, tassani qaqqaq Ukkusissat assip talerpiatungaani takuneqarsinnaavoq taavalu immikkoortortaq 4A6 aappalaartumik ilisarnaaseqqasoq

1.3 PISSUTSIT PIOREERSUT

Immikkoortup ilaa 4A6 Pinguaq sanaartoriusup kujatinnguani inissisimavoq, alutornartumik Suloraq – mik taaguutilik, illunik 10-inik immikkuullarissunik, 8-nik quleriilinnik sanaartorfigineqarsimasoq. Avannamut, kangimut aamma kujammut, nunap immikkoortup ilaa annikinneq sanaartorfigineqartussaangitsutut aaliangiiffineqarpoq, kangianut sammisuunerusoq, 4D11 aamma avannamut kujammullu, 4D7 sinerissamut qanittuusoq. Kitaani inissialiorfigineqarsimasoq 4A8 Ningitsivik inissisimavoq, kiisalu aqqusineq, angallaffiusoq nunap immikkoortuani atorneqartoq, marlunnut avissaartinneqarsimasoq. Takussutissiaq imaluunniit ilanngussaq 1 takuuk.



Takussutissiaq 3. Immikkoortoq Sulooqamiit isigalugu.

Nunap ilaaniittoq avannamut sammisoq ersarissorujussuavoq – qaqqaq kujammut sammisoq quassugaasoq, maligaasiortunik nuulik. Nunap ilaata kangianiittoq qaqqarsuaq Ukkusissat 800 meterinik portussuseqartoq nunap isikkuani saqquminerpaajuvoq. Qaqqaq seqerngup qinnguaanut alanngiusimasarpoq, ingammik ukiukkut seqineq pukkiligaangat, kisiannili seqineq kitaanut pigaangat qaammarngup allanngorarneranit aamma allanngortitsisarpoq. Qaqqap innartaata portunera pissutigalugu aamma kujammut kimmullu qooqgersimanera pissutaalluni sumiiffimmi anori sakkortunerusarpoq. Ukkusissap kangerliumarnganut aamma Nuup illoqarfianut kimmullu isikkivigissorsuavoq, avannamut isikkivik sammisoq qaqqap innartaata tullianut Qallussup aamma qeqertaaqqanut amerlasuunut kujataatungaaniittunut isikkiveqarpoq.



Takussutissiaq 4. Kitaanut qiviraanni isikkivik.



Takussutissiaq 5. Immikkoortortap assilineqarnera, tassani aqquserngit periarfissaasut assip talerpiatungaani taku-neqarsinnaapput.

1.4 PILERSAARUMMI PINGAARNERTAQ

Pilersaarummut tapiliussami, immikkortuni pingasuni eqimattakkaartunik sanaartornissamut periarfissaqarpoq, eqimattakkaanngikkunik – immikkuullarissunik inissianik quleriiaanik pukkitsunik sanaartorfiusinnaalluni, avannamut – kujammullu qaqqallu kujammut sammisup quassugaasup tungaaniittunut, nunallu ilaani kujammut kangianut sammisumi, illunik immikkuullarissunik sanaartortoqarsinnaalluni.

Atorneqarnissaa

Kommunip pilersaarusiaani aaliangiunneqarsimavoq assigiinngiaartunik inissianik sanaartortoqassasoq. Kommunip pilersaarusiaa una, inissianik 250-inik sanaartortoqarnissaanut piviusunngortitsinissamut periarfissiivoq, taakkualu ilaasa affaat pisortanut sanaartorfiusussanngortinneqarsinnaallutik.

Nunap immikkoortui

Immikkoortup ilaa sisamanut immikkoortunut agguataarneqarpoq, soorlu ilanngussami 2-mi aamma 3-mi tamanna takuneqarsinnaasoq. Immikkoortortat sinneri sanaartorfineqassanngillat, sukisaarsarfissatullu atorneqassallutik.

Sanaartorneq


Friis aamma Moltkep sanaartugaat , Paarnani, Kangillinguit eqqaaniittut isumassarsiorfigalugit, sanaartugassat pilersaarusionerqarput, taamatuttaaq C.F. Møllerip, Sandbakken/Lerdalenimi, Skådemi Danmarkimiittumi sanaartugai isumassarsiorfigineqarlutik (takussutissiaq 7 takuuk). Sanaartukkat ilisarnaatigivaat, nunatami qattunersarasaartumi, nunatap "iluanilusooq" sanaartugaagamik. Sanaartornissamut pilersaarut, nunatap "iluanilusooq" ulamertunngorlugu titartagaavoq, taamaasilluni najugarisap qanittuani avatangiisit toqqissisimanartunngorlugit, anorimut silamullu illersugaapput. Nunatami pineqartumi pinnguarterfiit aammalu uninngaartarfiusinnaasut pilersinneqarsinnaapput. Qattunersap ilaa qaartiterlugu piarneqassaaq, tassanilu sanaartugassat aqqusineeqqallu inissinneqassapput, taamaattorli qaqqartaa sapinngisamik uninngatiinnarneqassaaq.




Takussutissiaq 6. Paarnat ukiumi 1988 sanaartorneqarput. Qaqqajunnartalimmi sanaartornermut assersuut.



Takussutissiaq 7. C.F. Møllerip Danmarkimi sanaartugaanut assersuut. Siunissami sanaartugassat, nunami annertunerusumik sukisaarsaarsarfissatut periarfissaqas-



Takussutissiaq 8. Ukununnga tunnagasumiktartagaq immikkoortoq A-A aamma B-B



Takussutissiaq 9.
Pisortat inissiaataat
qernertumik
nalunaaqutsigaappu
t.

Sumiiffiit ilaanni illuliat, illuatungimmikkut sukarsuarterneqassapput, taakkulu ilaatigut, aneerasaartarfinnut, quinut assigisaannullu, sumiinneq apeqqutaalluni atorneqassallutik. Inissiat angissusaat marlunniit tallimanut initalinnut nikerarsinnaapput, taamaasillutillu innuttaasut akornganni siammmasissumik inuusuttunut, utoqqarnut ilaqutariinnullu periarfissaassallutik. Sanaartukkat affaasa missaat, pisortat inissiaataattut atorneqassapput. Sanaartukkat qattunersat saneraasigut, tulleriutaarlutik inissinneqassaput (takussutissiaq 9 takuuk). Pineqartutigut, sanaartorfigissaanissamik suliniuteqarnissaq kommunip siunertarivaa. Pilersaaruteqarnermi sanaartorfissagissaaneq sammivigineqassaaq, matumani ilaallutik, aqqusineeqqat, aqquserngit aamma pinnguarterfiit, taamatuttaarlu pisortatigoortumik inissialiassat sananeqarnissaasa ilusilersorneqarnissaat ilaallutik. Siunissaq eqqarsaatigalugu, pineqartutigut sanaartornermi eqqarsaatigisassat tassaapput, ilusaat aamma qalipaataat, sanaartukkat ataatsimoortumik isigalugit, imminnut ataqatigiissutut isikkoqarniassammata. Sanaartorfissat sinneri, assersuutigalugu, namminneq piginnittutut peqatigiiffinnut, attartortittagassatut imaluunniit piginneqatigiiffinnut periarfissaasinnaassapput.



Takussutissiaq 10. Takusassiaq A-A immikkoortortap ilaani annikinnerusumi C - mut tunngasoq.



Takussutissiaq 11. Takusassiaq B-B immikkoortortap ilaani annikinnerusumi B – mut tunngasoq.



Takussutissiaq 12.
Pinngortitami atortut
ninngusuut.


Nunaminertat sanaartorfiunngitsut

Nunaminertat ataatsimoorussaasussat, inissiat eqimattakkaat aammalu illut immikkuullarissut ataqatigiissillugit avannamut kujammullu sammisumik inissinneqassapput. Pinnguartarfiit , nerriviit issiaviillu tamaanga inissinneqarsinnaassapput. Pineqartup ilaa, pioreersumik qaqqartaqarpoq, ilaalu qaartitikkamik qaqqartaqassalluni, taamaasilluni sanaartukkat akornnganni, ingerlaffiusinnaasumik aqqusineeraqassaaq.

Nunaminertaq sanaartukkap kitaatungaaniittoq sapinngisamik nikisinneqassanngilaq, taamaasilluni ullumikkut qaqqartaq pioreersoq tassaniiginnassaaq. Nunaminertaq 900 m² -sut annertussusilik, pinnguartarfeqarfittut uninngaartarfittullu atorineqassaaq.

Nunaminertani sanaartorfiunngitsuni sanaartugassat, atortunik ninngusuunik sananeqassapput, soorlu qisunnik, betonimik, ujaqqanit sumiiffimmi pioreersunit imaluunit saviminernik atuinikkut. Takussutissiaq 12 aamma 13 takuuk.

Nunaminertanik piiaanermi, sanaartorfigissaanermilu, issut naasullu pioreersut sapinngisamik atatiinnarneqassapput imaluunit piorsaaffigineqassapput. Issut naasullu sinneruttut, nunaminertat ataatsimoorussat ilusilersornerinut atorineqassapput, pineqartoq taamaasilluni qattunersarasaarnerulissaaq. Issut naasullu atoqqinnerisigut, najugaqarfiup pinngortitarpalaarnerusumik isikkoqarnissaa qulakkeerneqassaaq, taamaasillunilu sanaartorfiorpalaarunnaassalluni, piaartumillu naammassineqarluni sukisaarsaarfippalaarnerussalluni. Najugaqarfimmi sukisaarsarfissaqqissutut pioreersut, soorlu qaqqartat, naasimasut assigiinngitsut, tatsit, masarsuillu, periarfissaatillugu, sanaartornermi ilatineqassapput. Taamaammat nunataa, sanaartorfissagissaanermi, sanaartornerullu nalaani, sapinngisamik eqqornaveersaarneqassaaq. Nunaminertat ajoquserneqartut iluarseqqinneqassapput, qaartiterinermilu assartuinermilu sinnikut siaruaassimasinnaasut piiarneqassallutik.



Takussutissiaq 13. Pinngortitami kusanartumik suliaqarnermut assersuut , tamatumani qaqqaqarnerup , sanaartukkallu erseqqaarissumik assigiinngissutaat takuneqarsinnaavoq. Assiliaq, nunap "iluani" qanilaartumik suliaqarsinnaanerup qanoq suliarisinnaaneramik takutitsisoq.

Angallannermut tunngasut

Suloqqap kujataatungaani aqqusinermiit kaajallattariamiit, najugaqarfik aqqusinermut anillagiarpoq, immikkoortup avannamut kangimut killeqarfiani. Anillagiar najugaqarfimmi aqqusinertut, biilnut inissiisarfittut, aqquserngup kitaatungaani inissisimasumut aqqusineeralerlugu sananeqassalluni. Kommuneqarfik Sermersuup, Nuummi Aqquserngiornermi Pilersaarusionermut Ilitsersuut tunngavigalugu anillagiar suliarineqassaaq.

Aqqusineeraqarneq

Sanaartorfiusoq nutaaq, kangiatungaaniittumut, inuusutissarsiutitigut suliarqarfimmut, aammalu illoqarfittaap qeqqata tungaanut kitaatungaaniittumut, aqqusineeqqatigut aqquteqarpoq. Najugaqarfimmi namminerimi aqqusineeqqat, ineqarfiit sinaasigut ingerlasut suliarineqassapput, taamatutaaq biilnik unittarfinnut aammalu kitaatungaani aqqusinermut anillagiamut aqqusineeraqassalluni. Pilersaarutit titartagaasut nalinginnasumik malillugit, aqqusineeqqat sananeqassapput.

Biilnut unittarfiit aammalu pisortatigoortumik angallassineq


Biilnut unittarfiit, aqquserngup kitaatunginguanu inissineqassapput, tassa najugaqarfimmi aqquserngup sanaartukkallu akornganni. Nutaanik sanaartornermut atatillugu, biilnut unittarfeqarnissaa piunasaqaatigineqarpoq. Najukkamut ataatsimut, inissiisarfik ataaseq sananeqassaaq. Tassa unittarfiit pisariaqartinneqartut 250-iupput, pilersaarummi titartagaasumi inissiisarfii 250-it takutinneqarput. Unittarfiit 25-t sananeqareeraangata, inissiisarfii marluk innarluutilinnut sananeqartassapput. Taamatutaaq biilnut innaallagissamik ingerlateqartunut, innaallagissamik immiisarfissamik ataasiakkaanik pilersitsisoqarsinnaavoq. Biilnullu inissiisarfii ataasiakkaat.

Najugaqarfik tamakkiisumik naammassineqareerpat, najugaqartunut 800 – 900-nut sulissinertut bussit unittarfiat inissineqassaaq.

Nunataa

Immikkoortup nunataa, kangimut killeqarfiata tungaanut narsaamaneruneruvoq. Narsaamanertamiit qaqqajunnamut quassugaasumut, ilisarnaaserneqarsimasumut, qummukajaaqarpoq, tassanngaanniillu kimmuut sivingalluni. Kimmuut innaanera pissutigalugu, nunaminertaq pineqartoq sanaartorfiusanngilaq.

Najugaqarfiup kujataatungaani, qaqqaq annertuumik quppaqarpoq. Pingaartumik nittaakkaangat sialloraangaluunniit, imeq kuungaatsiartarpoq, nunaminertarlu sanaartorfiusanani, pinngortitaq erseqqaarissisinniarlugu, qarsutsisoqannginnissalu anguniarlugu taamatut aaliangiisoqarpoq.



Takussutissiaq 14. Qingorput.

1.5 PILERSAARUTINUT ALLANUT TUNNGASUT



Nuna tamakkerlugu pilersaarut

Kommunimut pilersaarummut tapiliusaaq, nuna tamakkerlugu illuliornissamut pilersaarusionermut naapertuuppoq.

Kommunimut pilersaarut

Qingorput maannakut ukiorpaalunngortuni sanaatornermi ineriartortinneqarpoq, sanaatornermilu immikkoortut siulliit naammassineqareerput, taamaasillunilu illoqarfiup immikkoortua ingerlalluartoq pilersinneqareerpoq. Sulili Qingorput piorsaavigineqassaaq. Kommunimi illuliornissamut pilersaarummi ilanngusaaq, pilersaarusionermut matumunnga atavoq, matumani immikkoortortap sanaatorfigineqarnerani, pinngortitap avatangiisaasup piujuartinneqanissaa, aammalu pinngortitap ilusaa erseqqaarissitinniarlugu, ataatsimoortunik sanaartortoqarpoq, aammali nuanaminertanik sanaatorfiusussaannngitsunik pingaartitsisoqarluni.

Kommunimut pilersaarummut tapiliusaaq 4A6-1 Kommunimut pilersaarutaanut, Sermersooq2024-mi ilaavoq, matumani ilusilersuinermi tunngaviusoq tassaalluni najugaqarfik assigiinngissitaartoq. Nunaminertami immikkoortumi, soorlu takussiami 15-imi takuneqarsinnaasoq, killilerneqarnera naleqqussartariaqarsimavoq. Tamatuma saniatigut, atortussaasiviit ilanngunneqarnissaat pillugit aalajangersakkat pingaarnerusut ilanngunneqarput.



Takussutissiaq 15 – Sumiiffimmi sanaatornissamut pilersaarusiaq taamatuttaarlu siunissami pilersaarusiaq.

Aalajangersakkat nassuiaaserneqarluartut, eqimattakkaartumik illuliat, quleriit pingasuusut sanaartorneqarsinnaangorput, taamatuttaarlu illut immikkuullarissut marluk, quleriit arfineq marluusut sanaartorneqarsinnaangorlutik.

Qanganitsat

Sumiiffimmi qanganisaqarnerseq Kommuneqarfik Sermersuumi ilisimaneqanngilaq. Sumiiffimmi nunagissaanerit Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maaji 2010-imeersumi aalajangersaaffigineqarpoq.

Avatangiisit

Assaanermut atatillugu, nunaminertami mingutsitsisoqarsimappat, Kommuneqarfik Sermersuup Avatangiisinut Piujuartitsinermullu Immikkoortortaqarfia , ingerlaannartumik ilisimatinneqassaaq. Eqqagassat avatangiisinut mingutsitsisinnaasut, soorlu uuliakoofiit, eqqarniarnissaat, kommunip eqqagassaqarnermut malittarisassai, aammalu pineqartutigut inatsisit atuuttut malillugit ingerlanneqassapput.

Nunaminertap pineqartup kujataatungaa, paassaasiveqarnermut atatillugu, isumannaallisaaanermut ilaavoq. Pineqartumi sanaartukkat, isumannaallisaneq pillugu aaliangersakkat atorunnaarsinneqareerpata, aatsaat atulerneqarsinnaapput.

Teknikkikkut pilersuineq

Nutaamik illuliat pisortat innaallagissamut, imermut kuuffissuarnut kiassarnermullu aqquataannut ilanngunneqassapput.

Innaallagissamik, imermik, kuuffissuarnut kiassarnermullu pilersuineq nuna ataatigut ingerlanneqassaaq.

Immikkoortup iluani pisortat teknikkikkut pilersuiffii inissinneqarsinnaapput, soorlu immikkoortup pilersorneqarnissaanut transformerstationit. Transformerstationinik inissiinerit pissapput Nukissiorfiit isumasioqatigeqqaarlugit.

Kiassarneq

Immikkoortumi kiassaariaaseq Nukissiorfiit malittarisassaata naapertorlugit pissaaq.

Kuuffissualersuineq

Illu pisortat kuffissuaqarfiinut ilanngunneqassaaq, imikoormi iliuusissatut pilersaarut naapertorlugu.

Nunap qaavani imeq, tamatumunnga ilanngullugu imeq illup qavanit kuuttoq kuuffissuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, aqquteeqqanut, aqqusinernut sanaartorfiunngitsunullu akornusersuutaannginniassammat.

Eqqaavilerineq

Immikkoortoq Kommuneqarfik Sermersuumi eqqagassalerisarneq naapertorlugu aaqqissuussiffiuvoq, sukkulluuniit malittarisassaq atuuttoq naapertorlugu.

Aputaajaaneq niffakunillu eqqaaneq

Immikkoortup ilaani annikinnerusuni ataasiakkaani tamani, piginnittut peqatigiiffiinik, matumani, aqquserngit, biilit uninngasarfii, aqqusineeqqat, pinguartarfiit aammalu sanaartorfiunngitsut, najugaqarfimmut atasut, aserfallatsaalinnissaannut tunngasunik suliaqartussanik pilersitsissapput. Piginnittut peqatigiiffiat tamatumunnga atatillugu, namminneq malittarisassanik suliaqarsinnaapput. Kommuneqarfik Sermersuup innersuussuteqarnerisigut, aatsaat niffakunik najugaqarfiup avataanut eqaasoqarsinnaavoq.

Sanaartorfigissaanermi aningaasartuutit

Nunaminertami sanaartorfigissaanermi aningaasartuutit, allat suleqataasut peqatigalugit, aningaasartuutit agguataarnissaat pissaaq, tamannalu immikkuullarissumik akiliuteqarnissaq pillugu aalajangersakkamik takussutissaqassaaq.

Tamanut saqqummiussineq

Siunnersuut, Kommunimut pilersaarummut tapiliussaq 4A6-1, Pinguaraq, Kommunalbestyrelsip 2015-imi juunip ulluisa 17-anniit 2015-imi aggustip ulluisa arfineq-pingajuata tungaanut sapaatit akunnerini arfineq-pingasuni tamanut tusarniaassutigaa.

Piffissarititaasup iluani tusarniaassummut akissuteqaatit pingasut aamma tusarniaassummut akissuteqarnissamut piffissarititaasup qaangiutereernerani akissut ataaseq pissarsiarineqarput. Tusarniaassutinut akissuteqaatit sisamaasut tamarmik suliassamik suliarinninnermut ilanngunneqarput.

- inissiat assigiinngitsuunissaannik periarfissiisoqassasoq
- immikkoortup ilaani umiatsianik inaalitsisarnissaq akuerineqassanngitsaq aamma umiatsianik inaalitsisarnerit pillugit nalinginnaasumik malittarisassat umiatsianik inaalitsisarnissat pillugit periaasissanngorumaartuni aalajangersarneqassasut.
- qaliat ilusilersorneqarnissaat pillugit aalajangersakkat sukatikkat pilersaarummi allaaserineqassasut, taamaalilluni qaliat ilusilersorneqarneranni torersumik, pitsaasumik assigiissumillu suliarineqarniassammata.

1.6 PILERSAARUTIP INATSISITIGUT SUNNIUTAI

Pilersaarutip inatsisigut inaarutaasumik sunniutai

Kommunalbestyrelsi kommunimut pilersaarutip naammassineqarnissaanut sulissaaq, ilanngullugu nunaminertanik atugassiinerni, tak.

(Pilersaarusiornermut inatsit § 29).

Kommunimut pilersaarummut tapiliussap inaarutaasumik akuerineqarneranik tamanut nalunaaruteqarnerup pereernerani, inatsisunik imaluunniit pissutsinik piviusunik tunngaveqarluni kommunimut pilersaarutip aalajangersakkanut immikkoortuanut imaluunniit nunaminertanik tunniussinermi atugassarititaasunut akerliusunik pilersitsisoqassanngilaq.

(Pilersaarusiornermut inatsit § 30).

Immikkulli pisoqartillugu aalajangersakkanit ataasiakkaanit allatut ittumik immikkut ittumik akuersissuteqartoqarsinnaavoq. Aalajangersakkanit malunnaatilimmik allaaneru-sumik atuneq nutaamik kommunimut pilersaarummut tapiliussamik suliaqarnissamik pisariaqartitsissaaq.

(Pilersaarusiornermut inatsit § 50).

Nunaminertamik, illuni sanaartukkanillu inatsisit naapertorlugit maannamut atuisarneq ingerlaannarsinnaavoq, akerlianilli assersuutigalugu atuinermik allannguinissaaq nutaamilluunniit sanaartornissaaq kommunimi pilersaarummut tapiliussamut akerliussanngilaq.

Kommunimut pilersaarummut tapiliussami nunaminertat, illut sanaartukkallu ilaatinneqartut pilersinneqarnissaat ilaatinneqarnerisigut imaanngilaq taakku ilumut pilersinneqarnissaat.

2. AALAJANGERSAKKAT

Matumuuna Kommunalbestyrelsip aalajangersarpaa Pilersaarusioneq nunaminertanillu atuineq pillugu, Inatsisartut Inatsisaat, nr. 17. 17. november 2010 –meersoq aallaavigalugu pissaq.

Aalajangersakkat pingaarnertut aalajangersakkanut aammalu aalajangersakkanut nassuiaaserneqartunut agguataarneqarput.

Aalajangersakkat tamarmik inatsisit aallaavigalugit pissapput, taamaattorli immikkut akuersissuteqarnikkut, aalajangersakkat nassuiaaserneqarsimaasut ilaangitsoortinneqarsinnaapput. Aalajangersakkat pingaarnertit tassaapput, pilersaarutip tunngaviatigut nalinginnaasumik imarisai, taamaammallu aalajangersakkatigut pingaarnertigut , immikkut akuersissuteqartoqarsinnaangilaq.

<i>Aalajangersakkat pioreersut pingaarnertit</i>	Aalajangersakkat pingaarnertit nutaat
Immikkoortumi ilaani annikinnerusumi killilikkat	
<p><i>Tapiliussap uumap atortuulersinneranut ilaavoq immikkoortumut killiussaqaq soorlu qulaani takutinneqartoq. Pisariaqalersimavoq immikkoortup ilaani 4D11-imi killiliinissaq takuuk nunap assiliorneqarnerani takussutissaq, kisianni 4D11-imut aalajangersakkat allannguuteqartinneqanngillat. 4D6 agguataarneqassaaq A,B,C,D aamma E-mik</i></p>	

1. Siunertaq	
<i>Nalinginnaasumik atorneqartussaq A – Inissialiorfissatut siunertarineqartoq Immikkuullarissumik atorneqartussat: A1 – assigiinngitsunik illuliorfiusoq</i>	Nalinginnaasumik atorneqartussaq A – Inissialiorfissatut siunertarineqartoq Immikkuullarissumik atorneqartussat: A1 – assigiinngitsunik illuliorfiusoq
2. Atorneqarfissai	
<i>Immikkoortoq inissianut assigiinngitsunut kiisalu meeqqerivinnut immikkoortitaavoq. Immikkoortumi suliffeqarfimmik najugaqarfinnisuulli nalinginnaasumik ingerlatsisoqartarneratuulli ingerlatsisoqarsinnaaneranik Kommunalbestyrelsimit akuersissuteqarsinnaavoq. Immikkoortumi najugaqarfiup isikkuanut allannguinngitsumik suliffeqarfimmik ingerlatsisoqassaaq, aamma allagartalersuineq eqqarsaatigalugu. Suliffeqarfik eqqaani najugaqarfimmut akornusersuutaassanngilaq, biilinullu uninngasarfimmik annertunerusumik pisariaqartitsilernissamut nassataqartitsisuussanani. Immikkoortumi nassaassaasinnaallutik inissiaqarfiit, sanaartorfioqqusaanngitsut, immikkoortumi najugaqartunut illut ataatsimoortarfiit, suliffeqarfiit kiisalu illut immikkoortumilu teknikkikkut pilersuinermit atortulersuutit. Nunaminertat sanaartorfiunngitsut atortulersuutinullu immikkoortitaanngitsut, sanaartorfiunngitsuuinnartinneqanngikkunik uninngaartarfinngortinneqassapput, imaluunniit nunap pissusaa allanngortinnagu taamaatiinnarneqassalluni.</i>	Immikkoortoq inissianut assigiinngitsunut kiisalu meeqqerivinnut immikkoortitaavoq. Immikkoortumi suliffeqarfimmik najugaqarfinnisuulli nalinginnaasumik ingerlatsisoqartarneratuulli ingerlatsisoqarsinnaaneranik Kommunalbestyrelsimit akuersissuteqarsinnaavoq. Immikkoortumi najugaqarfiup isikkuanut allannguinngitsumik suliffeqarfimmik ingerlatsisoqassaaq, aamma allagartalersuineq eqqarsaatigalugu. Suliffeqarfik eqqaani najugaqarfimmut akornusersuutaassanngilaq, biilinullu uninngasarfimmik annertunerusumik pisariaqartitsilernissamut nassataqartitsisuussanani. Immikkoortumi nassaassaasinnaallutik inissiaqarfiit, sanaartorfioqqusaanngitsut, immikkoortumi najugaqartunut illut ataatsimoortarfiit, suliffeqarfiit kiisalu illut immikkoortumilu teknikkikkut pilersuinermit atortulersuutit. Nunaminertat sanaartorfiunngitsut atortulersuutinullu immikkoortitaanngitsut, sanaartorfiunngitsuuinnartinneqanngikkunik uninngaartarfinngortinneqassapput, imaluunniit nunap pissusaa allanngortinnagu taamaatiinnarneqassalluni. Sanaartorfissat 50 procentii pisortanut sanaartorfissanngortinneqassapput
3. Inissialiat	
<i>Siammasissunik pukkitsunillu inissialiornermi quleriit 3-t angullugit sanaartortoqarsinnaavoq. Siammasissunik pukkitsunillu inissialiornermut atatillugu naatsiivimmut, aneerasaartarfimmut assigisaannullu nunaminertamik inissiamut ataatsimut annerpaamik 50 m2-imik</i>	Inissialiat tamakkiisumik ataatsimoortumik sananeqassapput. Sanaartorfiusussat ataqatigiissaartumik agguataarlugit inissialiorfiussapput. Immikkoortut ilaanni annikinnerni A, B aamma C sanaartorfissami quleriinnik inissialiornermi quleriit

<p><i>atugassiisoqarsinnaavoq. Nunaminertaq inissiamut allamut qaninnerutinneqassanngilaq. Inissiamut eqimasunik pukkitsunillu inissialiorfimmi naatsiivimmu, aneerasaartarfimmut assigisaannullu nunaminertamik annerpaamik 25 m²-mik atugassinneqarnissamik qinnuteqartoqarsinnaavoq. Nunaminertaq inissiamut allamut qaninnerutinneqassanngilaq. Quleriinnik inissialiornermi quleriit 6-iutinneqarsinnaapput. Nutaamik sanaartortoqartinnagu tamanna kommunimut pilersaarummut tapiliussami aalajangersaavigineqassaaq.</i></p>	<p>3-utinneqarsinaapput.</p> <p>Immikkortup ilaani annikinnermi D-mi inissiat immikkuullarissut inissialiornermi quleriit 6-utinneqatussat pilersinneqassapput, nunaminertami 360m² missaannik annertussuseqartumi.</p> <p>Immikkoortup ilaani annikinnermi D illut illut immikkuullarissut pilersinneqassapput inissiat quleriit 6-iutinneqassapput nunaminertami immikkut tamarmik 360m² missaani annertussusilimmi.</p> <p>Inissiami allermi 75%-ia paaqinnittarfimmut atorineqassappat, illut immikkuullarissut sananeqassapput inissiat quleriit 7-iutinneqarsinaasut.</p> <p>Illu naatsiiveqartinniaraanni, aneerasaartarfii, assing.all. nunaminertamik tunineqarnissamik qinnuteqartoqarsinnaavoq. Nunaminertaq 25m² illumut ataatsimut tunniunneqarsinnaavoq. Nunaminertap ilaa illumut allamut qanippallaartumiissanngilaq.</p>
<p>4. Annertussuseq</p>	
<p><i>Immikkoortup annertussusia 9,5 ha-it missaanniippoq. Immikkoortumi sananeqarsinnaapput ca. 250 boliger.</i></p>	<p>Immikkoortup annertussusia 10,1 ha-it missaanniippoq. Immikkoortumi sananeqarsinnaapput inissiat 250-it.</p>
<p>5. Piujuartitassanut tunngasut</p>	
<p>-</p>	<p>-</p>
<p>6. Nunaminertat immikkut piunasaqaatitallit</p>	
	<p>Nunaminertap pineqartup paassaasiveqarnera pillugu isumannaallisaanermik sunniuteqarpoq. Pineqartumi sanaartukkat, isumannaallisaneq pillugu aaliangersakkat atorunnaarsinneqareerpata, aatsaat atulernerneqarsinnaapput. Sanaartornermi nunaminertat immikkut piunasaqaatitallit mittarfeqarfimmut attuumassuteqartunut aalajangersakkat ataqqisussaavaat.</p>
<p>7. Angallanneq pilersuinerlu</p>	
	<p>Immikkoortumut aqquq aqqusineq pingaarnermiit sumiiffimmi aqquq aqqusaarlugu</p>

	<p>pilersinneqassaaq. Aqqusineeqqat ataatsimoortut, illoqarfiit ilaannik ataasiakkaanik atassusiisut qulakkeerneqassapput. Immikkoortup kangiani Siorarsiorfiup tungaanut aqqummut pingaarnermut nunaminertassamik qulakkeerinnittoqassaaq.</p> <p>Nunaminertanik qulakkeerinnittoqassaaq aqqusineeqqat-aqqusernullu avannamut-kujammut sumiiffimmi aqqut aqqusaarlugu pilersinneqartussamut.</p>
8. Illoqarfimmi nutarterinerit	
-	-
9. Suliat ataasiakkaat	
<p><i>Immikkoortumut aqqut aqqusineq pingaarnermiit sumiiffimmi aqqut aqqusaarlugu pilersinneqassaaq. Aqqusineeqqat ataatsimoortut, illoqarfiit ilaannik ataasiakkaanik atassusiisut qulakkeerneqassapput. Immikkoortup kangiani Siorarsiorfiup tungaanut aqqummut pingaarnermut nunaminertassamik qulakkeerinnittoqassaaq.</i></p>	<p>Immikkuualuttut ingerlaannartumik sanaartorfiussapput.</p>

Immikkoortup ilaani annikinnerni A, B, C og D. pillugit aalangersakkat pingaernerit
1. Sanaartukkap inissisimaffia
<p>1.1 Sanaartorfiususaaq nutaaq inissinneqassaaq ilanngusaaq 2-mi takutinneqartut.</p> <p>1.2 Sanaartorfissani inissiat ikinnerpaamik ataani allaqqasutut sanaartoneqassapput.</p> <ul style="list-style-type: none"> • Inissiat ikinnerpaamik arfinillit sanaartorfissani 5, 6, 16 aammalu 20-mi sananeqassapput • Inissiat ikinnerpaamik qulingiluut sanaartorfissani 1, 2, 4, 8, 9, 11, 13, 14 aammalu 17-it sanaqassapput • Inissiat ikinnerpaamik 12-it sanaartorfissani 3, 10, 12, 15 aammalu 18 • Inissiat ikinnerpaamik 18-nit sanaartorfissami 19-mi sananeqassapput • Inissiat ikinnerpaamik 21-it sanaartorfissami 7-mi sananeqassapput <p>1.3 Illut minnerusut, soorlu cykelinut inissittarfiit, eqqaaviit assigisaallu, immikkuualuttumi A-p, B-p, C-p D-llu ungataatigut sanaartorneqarsinnaapput.</p>
2. Sanaartorfiup ersersinneqarnera
<p>anaartorfik</p> <p>2.1 Naqqup ilorisinnaasaa inissiamut siunertalittut atorineqassanngilaq.</p> <p>2.2 Immikkuualuttumi A, B aamma C-mi, katillugit inissiat 200-it missaaniittut sanaartorneqarsinnaapput.</p> <p>2.3 Immikkuualuttumi D-mi inissiat katillugit 50-it missaaniittut sanaartorneqarsinnaapput.</p> <p>Illup silatai</p> <p>2.4 Illut silataat quasattuussanngillat, qillertuunatik qaamanermillu utertisisinnaassanatik.</p> <p>2.5 Illup qalipaasersorneqarnissaanut atatillugu Kommuneqarfik Sermersuumiit akuerineqaaqqaassaaq.</p> <p>2.6 Sanaartorfiit pingaannginnerusut nunaminertanut ataatsimoorussanut sammivillit ilusilersorneqassapput ammanilersorlugit soorlu matulersorlugit igalaalersorlugillu.</p> <p>2.7 .Sanaartorfiit pingaannginnerusut atortussanut qalipaatisaanillu toqqaasoqartassaaq illup sananeqartumut naleqqussarlugu.</p> <p>2.8 Aneerasaartarfiit inissiap isaariaaniittut attaatsimoorussami aqqusinnermut samminngitsut sanaartorfigisami 1,8 meterinik qaangersinnaavaat.</p> <p>2.9 Sukaq ersiinnartoq 2 meterit qaangerlutit illup silataani sananeqarsinnaapput.</p> <p>2.10 Silaannarissartarfiit, elevatorit, pujoorfiit assigisaallu illup sananeqarnerani illuliortaatsimut ilaatinneqassapput.</p> <p>2.11 Seqerngup kissaanik tigooqqaasutit aatsaat ikkussorneqarsinnaapput illup sananeqarneranut ilaatillugit, aamma illorsuit allat eqqaaniittunut inunnullu sanioqquasunut inngiasutsinissaat inerteqqutaavoq.</p> <p>Qaliat</p> <p>2.12 Qaliat qaavi 40°-inik illugiinnik sivingasunngorlugit ilusilersorneqassapput.</p> <p>2.13 Sanaartukkat pingaannginnerusut qaliaat sananeqartut annerpaamik 20°-inik uinganeqarsinnaapput.</p> <p>2.14 Qalianut qalliutit qernertuussapput.</p>

Allagartaliiffiit

2.15 Ataatsimoorussamik paasissutissanik – aamma innersuussutinik allagartaliiffiit nivinngarneqarsinnaapput. Allagartaliiffiit ilusilersorneqassapput paasissutissiissutitut atorpeqartussatut siunertaqartumik, illorsuullu saqqaanut, imaluunniit aqqusineeqqanut, aqquserngillu sinaannut inissinneqarsinnaallutik.

2.16 Illup ataatsip iluanut suliffeqarfimmik illumut atasumik peqarsimappat allagartaliiffinnik nivinngaasuisoqarsinaavoq.

2.17 Allagartaliiffiit ilusilersorneqarnerat, qalipaataat inissiivigineqarfissaanullu atatillugu Kommuneqarfik Sermersuumiit akuerineqaaqqaartassapput.

3. Aqqusinernut aqqusineeqqanullu tunngassutillit**Aqquserngit**

3.1 Aqqusineq nunap ilusaanut naleqqussagaq X-Y illunut ataasiakkaanut aqqusinniortoqassaaq, taamaattorli bussinit sanioqquffissatut periarfialerlugu. Aqqusineq nunap ilusaanut naleqqussagaq S-T inissiat nutaat aqqusinilersorneqassapput.

3.2 Illunut ataasiakkaanut aqqusinniugassat tassaapput aqquserngup sinaa 10 meterimik uuttorneqarsimavoq aqquserngup qeqqaniit.

Aqqusineeqqat

3.3 Aqqusineeraliortoqassaaq tunngaviusumik ilanngussaq 2-mi takutinneqartutut 3 meterinik silissuseqartussaq, sanaartorfiusoq aqqusaarlugu t meterisut takissuseqartussaq. Aqqusineeqqat majuartarfilersorneqarsinnaapput, nunatami pineqartumi pisariaqassappat.

Biilinet uninngasarfiit

3.4 Biilinet inissiisarfiit tunngaviusumik nunap assingani ilanngussami takuneqarsinaasutut inissinneqassapput. Immikkoortumi sanaartorneqassapput: biilinet uninngasarfik ataaseq inissiamut ataatsimut. Biilinet uninngasarfiit 25-t tamarmik innarluutillit biilinet marlunnik uninngasarfiliornissaq.

3.5 Cykelinet inissiisarfiit inissiamut ataatsimut inissaq 1,2.

3.6. Biilinet innaallagissamik ingerlatilinnut uninngasarfiliornissaq orsersortarfiit ataasiakkaat inissinneqarsinnaapput.

3.7 Sumiiffimmi aqquserngup ilaani biilinet isaariat ataasiakkaat sanaartorneqarsinnaapput.

Bussit unittarfiit

3.8 Bussinut unittarfimmik pilersitsisoqassaaq oqqisimaartarfilerlugu, tunngaviusumik ilanngussaq 2-mi takutinneqartutut

4. Sanaartorfiunngitsut sukisaarsarfissatullu atugassat

4.1 Nunaminertat sukisaarsarfissatut atugassat sanaartorfigineqassanngillat, kiisalu umiatsiliviit sanaartorfiillu sukisaarsarfittut atorpeqanngitsut.

4.2 Immikkoortup ilaani annikinnerusumi A,B, C aamma D-mi, sanaartorfiusussaannngitsuni, nunaminertat qaqqartallit biilinet uninngasarfinnut naatsorsuussat, sanaartorfiunngitsut pilersinneqarsinnaapput.

4.3 Pinnguartarfinnik sukisaarsarfittullu atugassanik pilersitsisoqassaaq, tunngaviusumik ilanngussaq 2-mi takutinneqartutut. Immikkoortup ilaani annikinnerusumi A aamma B-mi ataatsimoorussamik

pinnguartarfinnik-sukisaarsartarfissatullu atugassamik minnerpaamik 600 m²- tut angissusilimmik pilersitsoqassaaq. Immikkoortup ilaani C aamma D, katillugit minnerpaamik 300 m²-mik pinnguartarfiliortoqassaaq sukisaarsarfittullu atugassamik.

4.4 Nerriviit, issiaviit takisuut, illuaqqat pinnguartarfiit, pinngussanut atortut, assigisaallu inississorneqassapput nunaminertanut sanaartorfiunngitsunut, immikkoortorlu sukisaarsarfissatut atorineqarsinnaalluni.

4.5 Sanaartorfiunngitsut sukisaarsarfissatullu atugassiat atortussank soorlu qisunnik qajannaatsunik, beton-inik, illoqarfiullu ujaraanik imaluunniit saviminernik sananeqartassapput.

5. Teknikkikkut atortulersuutit

5.1 Sanaartukkat nutaat pisortat innaallagissamut, imermut, ungasianit kiassarnermut kuuffissuarnullu aqquataannut attavilerneqassapput.

5.2 Imikoq sunaluunniit kuuffissuakkuut kuutsinneqartassaaq. Nunap qaavata ernga imerlu kuuttoq kuuffissuakkoortinneqaratik sanaartukkanut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kussiakkut kuutsinneqassapput.

5.3 Pilersuutit aqquataat soorlu innaallagissamut, imermut, kiassarnermut kuuffissuarnullu aqquutit nunap iluatigoortinneqassapput. Inuup allap aqquutinik allanngortitsisinaanera aqquutinik piginnittumut aningaasartuutaassanngilaq aamma aqquutinik piginnittoq siunersiorlugu aatsaat aamma taassuma innersuussinera malittarisassaataalu malillugit allanngortinneqarsinnaapput.

5.4 Sumiiffimmi teknikkikkut atortulersuutinik, tassunga ilanngullugit najukkamik pilersuisussanik transformatoriisivinnik inissiisoqarsinnaavoq. Nukissiorfiit siunersiorlugit transformatorisiviit sanaartukkap ilaatut inissinneqassapput.

5.5 Eqqakkat biilit unittarfianeeqqusaanngillat.

5.6 Immikkuualuttoq D-mi eqqakkat uninngasuutigisinaaneri, illutaata ilaani uninngasuutigineqassapput.

5.7 Illutaata ungataani eqqagassaateqarneq eqqarsaatigalugu, eqqakkat containerimiitinneqanngikkunik ungalusap iluaniitinneqassapput minnerpaamik illungiisillugit imaluunniit eqqaavittut sanaap iluani.

6. Nunaminertat sanaartorfiunngitsut

6.1 Nunaminertat qaqqatut nalunaarsorneqarsimasut immikkoortup ilaani annikitsumi A,B, aamma C-milu sanaartorfigineqassanngilaq, nuna pinngortitaq allanngutsaalisatut inissisimassaaq.

6.2 Nunaminertat saartorfigineqarsimanngitsut sanaartornermi aserorterneqarsimasut, soorlu qaartiterinikkut allatulluunniit suliffiusimasut issortalersorneqassapput.

6.3 Immikkoortup iluani naatsorsuutigineqassaaq annikinnerusumik qaartiterisoqarnissaa, illuliornermi atortullu sanaartornermi atortut, aqquserngit biilit unittarfii aqqusineeqqallu naleqquttumik inississorneqassapput.

6.4 Nunatap iluarsartuunneqarnerani sanaartukkanillu suliaqarnermi nunataq sapinngisamik mianersuunneqassaaq.

6.5 Nunatap iluarsartuunneqarnerani avatangiisit sanaartorfimmut attuumassuteqanngitsut, pissusitoqaatut ilillugit iluarsaanneqassapput, immikkoortorlu qaartiterinerme aseqqukut

<p>piiarneqassallutik, sumut tamaanga katagarneqarsimasut assartuinnermi.</p> <p>6.6 Aputaajaareernerme niffakunik eqqaaneq immikkoortup iluani pisassaaq niffakunillu immikkoortumut allamut eqqaasoqassanngilaq Kommuneqarfik Sermersooq akuersiseqqaartinnagu.</p> <p>6.7 Niffarlukut immikkoortami ulluinnarni najugaqarfiit eqqaani akornutaassanngillat. Kommuneqarfik Sermersuup pisussaaffigaa niffarlukut biilnut issoraallugit allamut igikkiartornissaat nunaminertamik piginnittup akiligassaanik, tamatuminnga unioqqutitsisimappat.</p>
7. Piujuartitsineq
-
8. Pinngortitap illersorneqarnissaanut soqutigisat
-
9. Nunamik atuinissamut soqutigisat
-
10. Nunaminertat ataatsimoorussat
<p>10.1. Tunngaviusumik ilanngussami 2-mi takutinneqartut 3 meterimik aqqusineeqqat silissuseqartussaapput. Aqqusineeqqat majuartarfilersorneqarsinnaapput nunatap pineqartumi pisariaqassappat.</p>
11. Piginneqatigiilluni peqatigiiffiit
<p>11.1 Immikkoortup ilaani annikinnermi peqatigiiffimmik pilersitsisoqassaaq taakkua isumagissarissavaat immikkoortortap ilaani ataatsimoorussamik soqutigisaat isumagissallugit. Peqatigiiffiup najukkani pillugu Kommuneqarfik Sermersooq ilisimatittuartassavaa. Peqatigiiffiup akisussaaffigissavaa ingerlatsineq aserfatsaaliinerlu (tamatumata ataani ukiumi aputaajaaneq ilanngullugu) aqquserngit, aqqusineeqqat, biilit unittarfii, pinnguartarfiit kiisalu immikkortup iluani annikinnermi nunaminertani sanaartorfiunngitsut isumagissarivai.</p> <p>11.2 Nunaminertami piginnittup immikkoortap ilaani annikiitssumi akisussaasup piginnitut peqatigiiffimmi ilaasortaasussaavoq.</p> <p>11.3 Immikkoortortap nunagissarneqarneranut aningaasartuutit ataatsimoorussamik soqutigisaqarfinnut aamma taakkununga attuumaassuteqartunut peqataasut aningaasartuutit agguataarneqarneranut immikkut ittumik maleruagassaannik saqqummiisoqartassaaq.</p> <p>11.4 Peqatigiiffik pilersinneqassaa, minnerpaamik ilaasortassat affaai kissaateqarnerisigu, taamaattorli immikkoortap ilaani annikinnerusumi inissiat pingajortserutaat nutserfigineqareerpata.</p>
12. Avatangiisit mingutsinnnginnissaannut killigitat
-
13. Nukissanik annikitsumik atuisunik sanaartorneq
-
14. Atuutsitsilernissamut piumasaqaatit

Inissiat nutaat isertserfigineqarsinnaanngillat makku naammasineqqaarsimanngippata:

- Paragraf 3 imm.4 malillugu biilit unittarfiinik pilersitsereersimanissaq
- Paragraf 3 aamma 5 malillugu cykelinut inissiisarfimmik pilersitsimanissaq
- Paragraf 6 imm.2 aamma 6 imm.4 malillugu nunatap ileqqussaatur iluarsaanneqassapput.
- Illup eqqaani nunataminertat sanaartorfiunngitsut sanaartukkallu ataatsimoorussamik atorineqartussat, paragraf 3, 4 aamma 5 naapertorlugu inississorneqarsimassapput. Ukiup qanoq ilinera malillugu tamanna ajornartippagu, Kommuneqarfik Sermersooq isumaqatigiissusiorfigeeraanni piaarnerpaamik pilersinneqassapput.
- Sanaartukkat nutaat pisortat tamarmik innaallagissamik imermut kuuffissuarnullu aqutaannut aqquuserneqassapput paragraf 5 imm.1 malillugu.

3. AKUERSISSUTEQARNERMUT UPPERNARSAAT

Kommunimut pilersaarummut tapiliusseq 4A6-1, Inissiat tamatigoortut, Nuuk matumuuna


Kommuneqarfik Sermersuup Kommunakbestyrelsinit inaarutaasumik akuerineqarpoq ulloq 15.3.2016.

Kommuneqarfik Sermersooq ulloq



Aasi Chemnitz Narup


Borgmesteri



Steffen Ulrich-Lyng

Allaffissornermi pisortaq

Innersuutitut tamanut saqqummiunneqassaaq ulloq 30.3.2016.




KOMMUNEQARFIK SERMERSOOQ
 Sanarfinermut Avatangiisinullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 4A6-I
 Kommuneplantillæg 4A6-I

Ilanngussaq | Immikkoortoq 4A6 immikkuullarissullu A, B, C aamma D
 Bilag | Delområde 4A6 og detailområderne A, B, C og D
 Marsi / Marts 2016
 Uutuut / Mål 1:2500
 A4

0 m 50 m 100 m




KOMMUNEQARFIK SERMERSOOQ
Sanarfinermut Avatangiisnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 4A6-I
Kommuneplantillæg 4A6-I

Ilanngussaq II Nunap assingi aalajangersakkanut sukumiisunut
Bilag II Kortbilag med de detaljerede bestemmelser
Marsi / Marts 2016
Uutuut / Mål 1:2500
A4

0 m 50 m 100 m



KOMMUNEQARFIK SERMERSOOQ
 Sanarfinermut Avatangiisinullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaqaq 4A6-I
 Kommuneplantillæg 4A6-I

Ilangussaq III Titartaganngorlugu takussutissat
 Bilag III Illustrationsplan
 Marsi / Marts 2016
 Uutuut / Mål 1:2500
 A4

